

KUALALUMPUR - Jabatan Meteorologi mengeluarkan amaran hujan lebat peringkat jingga untuk Kuantan, Pekan, Rompin dan Bera di Pahang yang akan berterusan sehingga hari ini.

Sementara itu amaran hujan lebat peringkat kuning pula adalah untuk Dungun dan Kemaman di Terengganu; Mersing, Segamat, Kota Tinggi dan Kluang di Johor yang juga akan berterusan hingga esok, demikian menurut kenyataan akhbar jabatan itu di sini.

"Keadaan ini boleh menyebabkan banjir di kawasan-kawasan tersebut yang berkedudukan rendah," kata kenyataan itu semalam.

Menurut jabatan itu, Malaysia kini mengalami musim monsun timur laut atau musim tengkujuh bermula awal November lepas dan dijangka berakhir minggu ketiga Mac tahun depan.

Hujan lebat peringkat jingga



Penduduk di sekitar Sungai Lembing menyelamatkan barangan yang penting dan berharga serta keperluan asas masing-masing.



Keadaan banjir di Rompin.



Keadaan banjir di kampung Setajam, Mukim Endau, Kuala Rompin.



Penduduk Sungai Lembing melihat jambatan Sungai Charu ditenggelami air sedalam setengah meter.



Jalan Kota Tinggi-Mersing masih boleh dilalui kenderaan.



Antara mangsa banjir di pusat pemindahan banjir Dewan Teluk Gading, Tanjung Gemok, Mukim Endau.